

NEWSLETTER

Bilten objavljen u okviru "Evropska i naša posla" – projekat finansiran od strane Evropske unije

U FOKUSU:

NOBELOVA NAGRADA ZA MIR EUROPSKOJ UNIJI

Dana 12. oktobra 2012. godine Odbor za Nobelovu nagradu je odlučio dodijeliti Evropskoj uniji Nobelovu nagradu za mir za 2012. godinu za više od šest desetljeća doprinosa unapređenju mira i pomirenja, demokratije i ljudskih prava u Evropi. Svečana dodjela nagrada održat će se u Oslo 10. decembra 2012. godine. Nobelova nagrada za mir sastoji se od novca u iznosu od 8 miliona švedskih kruna, medalje i diplome. Institucije Evropske unije će zadržati medalju i diplomu u ime Evropske unije. Novac i medalja predstavljaju donaciju iz članka 19. Uredbe 1605/2002. Evropska komisija je u ime Evropske unije zvanično prihvatile nagradu za Nobelovu nagradu za mir i objavila da namjerava preusmjeriti novac od nagrade za djecu pogodjenu ratovima i konfliktima u svijetu.

Predsjednik Barroso je izjavio da "Nobelova nagrada za mir podupire pomirenje u svijetu. Novac od nagrade bi prvo trebao da koristi djeci koja su nuda budućnosti, ali još više djeci koje su žrtve sadašnjih i prošlih konfliktata".

Nakon dogovora između predsjednika Barrosoa, Van Rompuya i Schulza, Evropska komisija namjerava da usmjeri sredstva od Nobelove nagrade u platformu "Dječiji projekti EU Nobelova nagrada". Oni bi trebali od koristiti djeci u ratnim i konfliktnim zonama. S obzirom da su djeca budućnost svakog društva i istovremeno među najugroženijim, dividenda za mir koju Evropska unija prima bi trebala biti "uložena" u onu djecu koja su žrtve nasilnih konfliktata.

Catherine Ashton, visoka predstavnica Evropske unije za vanjske poslove i sigurnosnu politiku, i potpredsjednica Evropske komisije, izjavila je:

"Oduševljena sam vijestima da je Evropska unija dobila Nobelovu nagradu za mir 2012. Nagrada je znak priznanja za rad na pomirenju, demokraciji, promicanju ljudskih prava i proširenju područja mira i stabilnosti diljem kontinenta. U zemljama EU-a, povjesni neprijatelji su postali bliski partneri i



prijatelji. Ja sam ponosna što sam dio ovoga. Stvaranje Europske službe za vanjske aktivnosti nam je omogućilo da se razvije sveobuhvatni pristup kako bi se bolje promicale europske temeljne vrijednosti cijelom svijetu.

Ja ću i dalje neumorno raditi kako bi ovaj proces išao naprijed."

**U ovom izdanju:
PREDSTAVLJAMO
ASOCIJACIJU AGENCIJA
LOKALNE DEMOKRATIJE
(ALDA)**



**OBNOVLJENA PODRŠKA
UNIJE REFORMAMA
U BOSNI I HERCEGOVINI**



**TRENING: „IZGRADNJA
PARTNERSTAVA ZA EU
INTEGRACIJE“ U
ZAVIDOVICI**



Ovaj projekt finansira Evropska unija

Projekat implementira ALDA i LDA Zavidovici

„IZGRADNJA PARTNERSTAVA ZA EU INTEGRACIJE“ – TRENING U OKVIRU PROJEKTA „EVROPSKA I NAŠA POSLA“

Trening seminar „Izgradnja partnerstva za EU integracije“ za organizacije civilnog društva i lokalne vlasti, u okviru projekta „Evropska i naša posla“ održan je u Zavidovićima 12. decembra 2012.godine.



Jednodnevni trening u Zavidovićima organizovala je ALD Zavidovići u bliskoj saradnji sa senior trenerom, Stankom Parać, iz Asocijacije agencija lokalne demokratije.

Interes za trening je bio prilično velik, pa je tako preko 30 predstavnika lokalnih NVO i javnih institucija iz Zavidovića i Žepča prisustvovalo ovom seminaru.

Tokom treninga prezentovan je Instrument za predpistupnu pomoć (IPA) nakon čega je uslijedila interaktivna radionica u vezi sa razvojem ideje u projektni prijedlog, menadžmet projektnog ciklusa i njegovi ciljevi (jasni i realistični projektni ciljevi i njihova usklađenost sa doprinosom općim političkim ciljevima), faze projektnog ciklusa (planiranje, identifikacija, procjena, finansiranje, implemenzacijia i evaluacija), generalni i specifični projektni ciljevi.

Podsjetimo se, projekat "Evropska i naša posla" je finansiran od strane Evropske unije iz programa IPA 2011 informisanje i komunikacije. Projekt provodi Asocijacija Agencija Lokalne Demokratije – ALDA, u partnerstvu sa ALD Zavidovići, a Općina Zavidovići i Razvojna agencija Žepče su pridružene organizacije.

Tokom treninga putem interaktivnih i vježbi simulacije učesnici su radili na izradi koncept note za EU projekte.

Prilikom završetka radionice, učesnici su prezentovali svoj grupni rad, treneri su dali svoje komentare i praktične savjete za poboljšanja, komunikacija i dinamika grupe biće održana putem razmjene informacija i uključivanjem učesnika u mailing listu korisnika projekta.

Kao nastavak procesa treninga i mentorstva, grupi učesnika je savjetovano da zatraže pomoć od trenera o bilo kojem sadržaju

koji možda nisu razumjeli, ohrabrujući ih da nastave svoj dobar rad.

Aktivnosti projekta "Evropska i naša posla" uključuju jačanje lokalnih kapaciteta, javnu promociju, razmjene znanja koje uključuju razne aspekte lokalnog društva, a među prioritetnim ciljnim grupama su lokalne vlasti, poslovni sektor, nevladine organizacije, lokalni mediji i mladi. Predloženi sadržaji i uključena znanja poslužit će kao prilika za učenje uključenim subjektima, ali i kao način razbijanja mitova i stereotipa vezanih za EU integracije.

OBNOVLJENA PODRŠKA EU REFORMAMA U BIH



EU će uložiti 84,8 miliona evra u Bosnu i Hercegovinu u obliku podrške reformama neophodnim za daljnje napredovanje zemlje na njenom putu evropskih integracija. Sredstva će biti usmjerena na povećanje efikasnosti pravosuđa, jačanje parlamenta u zemlji, unapređenja u sektoru saobraćaja i uključivanje osjetljivih grupa, uključujući izbjeglice i internu raseljena lica. Isto tako, sredstva će da koriste službe za provođenje zakona kao pomoć u borbi protiv organizovanog kriminala, terorizma i korupcije, a iskoristiće se i za daljnji rad na usklađivanju propisa Bosne i Hercegovine sa zakonima i standardima EU.

„EU nastavlja da dokazuje svoju opredijeljenost za evropsku perspektivu Bosne i Hercegovine. Sada je od presudne važnosti da vlasti Bosne i Hercegovine uspostave djelotvoran mehanizam koordinacije kako bi se maksimalno iskoristila podrška EU na dobrobit njenih građana“, naglasio je komesar za proširenje i evropsku politiku susjedstva, Štefan File.

Sredstva su obezbijeđena iz programa instrumenta za prepristupnu pomoć za 2012. godinu (IPA)., EU je osigurala 439 miliona evra prepristupne pomoći za Bosnu i Hercegovinu u periodu 2007–2011. godine. Sredstva IPA određuju se na osnovu stvarnih potreba zemlje u pogledu provođenja reformi neophodnih za ulazak u EU (političke reforme, npr: reforma pravosuđa, ljudska prava, itd; ekonomski, socijalni i teritorijalni razvoj, sa ciljem dobro koncipiranog, održivog i inkluzivnog rasta; sposobnost ispunjavanja obaveza iz članstva i usklađivanje sa zakonskim propisima EU; regionalne integracije i prekogranična saradnja). Ovim sredstvima, zemlje koje teže članstvu u EU mogu da realizuju neophodne reforme i pripreme se za primjenu evropskih standarda i politika.

Činjenice

Od 2007. godine do danas, zemlje koje teže članstvu u EU dobole su namjenska sredstva i podršku EU putem jednog kanala – Instrumenta za prepristupnu pomoć (IPA). Ukupna vrijednost sredstva prepristupne pomoći za period 2007–2013. godine iznose 11,5 milijardi evra.

IPA ima pet komponenti:

- Komponenta I: Pomoć u tranziciji i izgradnji institucija
- Komponenta II: Prekogranična saradnja
- Komponenta III: Regionalni razvoj
- Komponenta IV: Razvoj ljudskih resursa
- Komponenta V: Ruralni razvoj

Izvršenje prepristupne pomoći EU po osnovu programa IPA počinje definisanjem namjera Komisije u smislu indikativnih finansijskih sredstava. Slijedi usvajanje strategija na osnovu konkretnih potreba zemlje, i utvrđivanje prioriteta za finansijsku pomoć EU za period 2007–2013. Naredni korak je priprema, zajedno sa korisnicima, programa radi određivanja okvira za raspodjelu sredstava na godišnjem nivou. Konačno, programi se realizuju putem specifičnih projekata na nivou zemlje ili regiona.

BILATERALNI DOGOVOR O PRISTUPANJU BIH SVJETSKOJ TRGOVINSKOJ ORGANIZACIJI

Evropski komesar za trgovinu Karel De Gucht i ministar za spoljnu trgovinu i ekonomske odnose BiH Mirko Šarović potpisali su danas dogovor za pristupanje BiH Svjetskoj trgovinskoj organizaciji. Dogovor je ključni korak na putu BiH da postane članom ovog međunarodnog trgovačkog tijela. Očekuje se da pristupanje STO trajno doprinese procesu ekonomske reformi i održivom razvoju u Bosni i Hercegovini. "Današnje potpisivanje predstavlja ogroman korak naprijed u procesu pristupanja Svjetskoj trgovinskoj organizaciji i važno je za jačanje naših ekonomskih odnosa", izjavio je komesar za trgovinu EU Karel De Gucht. "EU snažno podupire članstvo naših susjeda u STO-u. Smatramo da je BiH napravila značajan napredak u pripremama za ulazak u STO i nadamo se da ćemo je uskoro pozdraviti kao člana porodice Svjetske trgovinske organizacije".

Ministar Mirko Šarović je rekao: "Bosna i Hercegovina se obavezala da postane aktivan član multilateralnog trgovinskog sistema i uložila je ozbiljne napore u vezi sa tim.. Neprocjenjiva podrška koju pruža EU daje pozitivne rezultate. Današnji događaj predstavlja korak bliže našem zajedničkom cilju i uvjereni smo da će to pomoći u zaključivanju preostalih bilateralnih pregovora narednih mjeseci u Svjetskoj trgovinskoj organizaciji. Ukoliko sa drugim partnerima dođemo do istog konstruktivnog stava, mogli bismo u 2013. godini postati član Svjetske trgovinske organizacije."

Bilateralni dogovor omogućava snižavanje tarifa za trgovinu robom i otvaranje tržišta usluga nakon članstva. Te obaveze će biti uključene u budući Protokol o pristupanju Bosne i Hercegovine Svjetskoj trgovinskoj

organizaciji.

Bosna i Hercegovina je podnijela molbu za članstvo u Svjetskoj trgovinskoj organizaciji 11. maja 1999. godine. Radna grupa STO za njeno članstvo je uspostavljena 15. jula 1999. godine. Da bi postala član, Bosna i Hercegovina mora zaključiti bilateralne pregovore sa zainteresovanim članicama STO-a i dobiti multilateralnu podršku ove radne grupe.

Obaveze o bilateralnoj trgovini između Evropske unije i Bosne i Hercegovine su uključene u Sporazum o stabilizaciji i pridruživanju (SSP) koji je potpisani između Evropske unije

i Bosne i Hercegovine 16. juna 2008. godine. Do završetka ratifikacije SSP-a, od 1. jula 2008. godine, na snazi je Privremeni sporazum o trgovinskim pitanjima.



Evropska unija je glavni trgovinski partner Bosne i Hercegovine sa udjelom od 73% izvoza BiH te više od 50% uvoza u BiH. U 2011. godini, ukupna vrijednost robe izvezene iz EU u Bosnu i Hercegovinu bila je 3,5 milijardi eura, dok je uvoz iz Bosne i Hercegovine iznosio 2,4 milijardi eura. Proizvodi s kojima se najviše trgovalo su mašine i transportna oprema, hemikalije i industrijski proizvodi.

PODRŠKA EU INTEGRISANOM UPRAVLJANJU GRANICAMA

Twinning projekat koji finansira EU

"Podrška provedbi strategije i akcionog plana integrisanog upravljanja granicama BiH" je zvanično završen 17. decembra 2012. Opći cilj projekta je bio provedba učinkovitog sistema upravljanja granicama u Bosni i Hercegovini koji bi rezultirao sa funkcionalnim, otvorenim, ali kontrolisanim i sigurnim granicama.



Projekat se sastojao od četiri

komponente i tokom perioda od 2 godine pokriveno je ukupno 14 planiranih aktivnosti. Ove aktivnosti su bile usmjerene na usklađivanje zakonodavstva BiH sa standardima EU, poboljšanje monitoring strukture za provedbu Strategije integrisanog upravljanja granicama, usklađivanje rada graničnih službi, razvoj zajedničke analize rizika i podršku razmjeni podataka i informacija između agencija uključenih u upravljanje granicama BiH. U toku projekta, između ostalih aktivnosti, izvedene su praktične obuke iz različitih radnih domena, kao što je "obrada zajedničke analize rizika", "borba protiv hitnih situacija na graničnim prelazima", "posebni postupci kontrole", "zajedničko integrisano upravljanje granicom".

Projekat je trajao 24 mjeseca, a glavni korisnici su agencije i institucije uključene u integrisano upravljanje granicama BiH, konkretno Ministarstvo sigurnosti BiH, Granična policija BiH, Uprava za indirektno/neizravno oporezivanje BiH, Služba za poslove sa strancima, Ured za veterinarstvo BiH, Uprava BiH za zaštitu zdravlja bilja i tri granične inspekcije na razini entiteta i Brčko distrikta.

Projekt su zajednički finansirali Evropska unija u iznosu od 1.425.000€ iz sredstava Instrumenta za pretpriступnu pomoć (IPA) i Ministarstvo sigurnosti Bosne i Hercegovine u iznosu od 75.000€. Austrijska agencija za evropske integracije i ekonomski razvoj (AEI) u partnerstvu sa Međunarodnim centrom za razvoj migracijske politike (ICMPD) osigurali su kvalificirane i iskusne stručnjake iz Austrije, Njemačke, Finske, Slovenije i Mađarske za realizaciju ovog projekta. Oba twinning partnera su istakla da je zahvaljujući ovom projektu BiH ostvarila značajan pomak ka približavanju evropskoj porodici. Projekat je pružio administrativnu pomoć i doveo BiH u širi

kontakt s raznolikim dobrim praksama unutar EU. U tom smislu, korisnici projekta su imali priliku da se na licu mjesta informišu o svakodnevnom radu graničnih agencija u nekoliko država članica EU.

Odnos i saradnja između svih koji su bili uključeni u projekat, kako iz EU tako i BiH ocjenjen je kao veoma profesionalan i vrlo produktivan.

LABIRINT PROŠIRENJA, AKTIVNOST PROJEKTA „CIVIL TRUST BUILDING“

Ambasada lokalne demokratije Zavidovići je lokalna tačka projekta "Civil Trust Building", akcije suradnje i izgradnje kapaciteta razvijene od strane organizacije „European House“ iz Budimpešte, Mađarska, koja uključuje Agencije lokalne demokratije na Zapadnom Balkanu kao sedam lokalnih kontaktnih tačaka za promicanje EU integracije i regionalne aktivnosti umrežavanja, za bolje razumijevanje i svijest o proširenju i integraciji.

Ideja projekta je da bi građani EU trebali biti upoznati i ispravno obaviješteni o stvarnoj situaciji u zemljama kandidatima i potencijalnim kandidatima u regiji zapadnog

Balkana, te o perspektivi budućeg proširenja EU. Organizacije civilnog društva na obje strane mogu igrati važnu ulogu u tom procesu, među ostalim - promicanjem javne rasprave, informisanjem i kampanjama za podizanje svijesti u tom smislu. Zapadni Balkan ima potencijal da se pridruži glavnim europskim procesima i pridonese oblikovanju Europe u budućnosti. Stoga je „European House“ zajedno s partnerima, organizacijama civilnog društva iz pet drugih članica EU odlučila pokrenuti projekt pod nazivom " Civil Trust Building - Pronađite svoj put kroz labirint proširenja".

Jedna od aktivnosti je bio „Labirint proširenja“, mobilna šarene instalacija veličine 100 m² sastavljena od jednostavnih upitnika na panelima u boji koji čine put kroz labirint, kao inovativni format da se privuku građani na raznim lokacijama u Budimpešti, Bratislavi, Beču, Ljubljani i Udinama tijekom turneje koja je trajala sedam dana, i koja je okupila sve projektne partnere.

Turneja „Labirinta“ bila je pravi uspjeh u mnogim aspektima, jer je svojom snažnom interkulturalnom dimenzijom utjecala na promicanje proširenja EU kroz aktivno građanstvo i kulturne raznolikosti.



ŠESTI POZIV ZA PROJEKTE U OKVIRU FAZE IV TEMPUS PROGRAMA



Šesti poziv za Tempus projekte (EACEA/35/12) objavljen je u Službenom listu Evropske unije (2012/C 375/07) 5. decembra 2012. godine. Poziv je objavljen u okviru četvrte faze Tempus programa koja obuhvata razdoblje 2007 - 2013.

Opći cilj Tempus programa je podrška modernizaciji visokog obrazovanja u zemljama iz okruženja EU. Tempus program promovira institucionalnu saradnju te se fokusira na reforme i modernizaciju sistema visokog obrazovanja u partnerskim zemljama. Konkretno, program promovira dobrovoljne konvergencije sa EU, zbivanja u području visokog obrazovanja koje proizilaze iz Evropske strategije 2020, Strateškog okvira za Evropsku saradnju u obrazovanju i osposobljavanju (ET 2020) i Bolonjskog procesa.

Svrha ovog poziva je promocija multilateralne saradnje između visokoškolskih ustanova, državnih tijela i organizacija iz država članica Evropske unije i partner zemalja, sa naglaskom na reformu i modernizaciju visokog obrazovanja.

Tempus poziva sve kvalificirane kandidate da podnesu projektne prijedloge u okviru novog šestog poziva za Tempus projekte (6th Call for Proposals EACEA/35/12) za dvije vrste projekata: Zajedničke projekte (Joint Projects) i Strukturne mjere (Structural Measures).

Indikativni budžet u sklopu ovog poziva iznosi 129.8 miliona €. Indikativni budžet za Bosnu i Hercegovinu je 2.28 miliona €. Individualni projekti se kreću u iznosu od 0.5 miliona € do 1.5 miliona €. Rok za elektronsko podnošenje projektnih prijedloga je 26. mart 2013. godine.

PREDSTAVLJANJE ASOCIJACIJE AGENCIJA LOKALNE DEMOKRATIJE (ALDA)

Šta je ALDA?

Asocijacija agencija lokalne demokracije (ALDA) je nevladina organizacija posvećena promicanju dobrog upravljanja i sudjelovanja građana na lokalnoj razini. ALDA se posebno fokusira na aktivnosti koje olakšavaju suradnju između lokalnih vlasti i civilnog društva.

Asocijacija je osnovana 1999. godine na inicijativu Kongresa lokalnih i regionalnih vlasti Vijeća Europe, kako bi koordinirala i podržala mrežu agencija lokalne demokracije koja je osnovana u ranim 1990-im. To ostaje jedan od pratećih programa Asocijacije.

To je krovna organizacija agencija lokalne demokracije koje su samo-održive, lokalno registrirane nevladine organizacije koje djeluju kao promotori dobrog upravljanja i lokalne samouprave.



ALDA radi u većem dijelu Europe i zemalja europskog susjedstva. Aktivnosti u Europskoj uniji provode se s posebnim naglaskom na promicanje aktivnog europskog građanstva. Aktivnosti u zemljama zapadnog Balkana i susjednim zemljama usmjerenе su na dobro upravljanje, sudjelovanje građana, europske integracije i decentralizaciju. Većina agencija lokalne demokracije se nalazi na zapadnom Balkanu, što daje prirodni fokus upravo tom području. Ali ALDA također postaje sve više i više aktivna u europskom susjedstvu. U 2006. godini Agencija lokalne demokracije je osnovana u gradu Kutaisi u Gruziji i 2011. u Gyumri u Armeniji. ALDA također vodi nekoliko drugih projekata i razvija partnerstva u drugim susjednim zemljama, kao Bjelorusija, Maroko, Tunis i Turska.

Asocijacija okuplja više od 150 članica (uključujući i lokalne vlasti te udruge lokalnih vlasti i nevladinih organizacija) koje dolaze iz više od 30 zemalja. ALDA se financira kroz članarine i projektne grantove Europske komisije, Vijeća Europe i drugih javnih i privatnih donatora.

Većina rada ALDA-e temelji se na metodi multilateralne decentralizirane suradnje. Ova metoda uključuje pristup koji se fokusira na jaka partnerstva između lokalnih vlasti i nevladinih organizacija. Ova partnerstva stvaraju pozitivnu sinergiju i osiguravaju da se zajednički ciljevi postignu na uspješan način.

Čime se bavi ALDA?

U okviru promoviranja dobre uprave i sudjelovanja građana na lokalnoj razini ALDA se fokusira na različite teme, kao što su europske integracije, decentralizacija, građanske inicijative i volonterstvo, ljudska prava i održivi gospodarski razvoj.

Asocijacija provodi svoje aktivnosti kroz različite oblike djelovanja:

- Koordiniranje i podrška za 13 agencija lokalne demokracije u svojim aktivnostima.

- Provođenje vlastitih projekata u oblasti dobre uprave i sudjelovanja građana na lokalnoj razini.
- Potpora drugih lokalnih inicijativa - kao lokalnih vlasti - pružajući znanje stečeno kroz ALDA-ina iskustva u regijama gdje ALDA i Agencije lokalne demokracije rade.

PREDSTAVLJANJE RAZVOJNE AGENCIJE ŽEPČE (RAŽ)



Razvojna agencija Žepče osnovana je 09.03.2010. godine od strane općine Žepče, s ciljem da brže i učinkovitije doprinese lokalnom ekonomskom razvoju općine Žepče, a potom i Zeničko-dobojskom kantonu.

Misija RAŽ-a je razvijati konkurentno gospodarstvo i kvalitetne ljudske resurse, stvarati uvjete za visok društveni standard stanovnika općine Žepče u okviru održivog razvoja, graditi i promovirati prepoznatljivost žepačkog identiteta.

Rad Razvojne agencije Žepče usmjeren je na lokalnu vlast, mala i srednja poduzeća, obrtnike, civilno društvo, zadruge i udruženja poljoprivrednika.

Osnovne djelatnosti RAŽ-a su:

- Strateško planiranje i implementaciju razvojnih lokalnih projekata u općini Žepče, u skladu sa Strategijom razvoja općine Žepče;
- Stvaranje stimulativnog poslovnog okruženja za privlačenje ulagača u općinu Žepče; kroz uspostavljen „ONE-STOP-SHOP“ servis za investitore;
- Izrada projekata za generiranje radnih mjesta u općini Žepče s posebnim akcentom na ranjive grupe;
- Izgradnja javno-privatnog partnerstva u cilju ekonomskog osnaživanja i stvaranja novih radnih mjesta;
- Tehnička i savjetodavna pomoć u pripremi projekata u okviru međunarodne i međuregionalne suradnje;
- Organizacija edukativnih radionica i programa cjeloživotnog učenja uz tehničku asistenciju i savjetodavnu pomoć za MSP sektor; male obrte; Poljoprivredne zadruge; NVO sektor; i pojedince koji žele pokrenuti mali biznis;
- Zaštita i promocija izvornog potencijala i gospodarskih resursa općine Žepče, kroz održiv ruralni razvoj i razvoj odgovornog turizma;
- Podrška osnivanju ostalih instrumenata ekonomskog razvoja i poslovnog servisa u općini Žepče i Regiji;
- Trajno razvijanje novih ideja sa ciljem poboljšanje kvalitete života u općini Žepče;

Razvojna agencija Žepče jedan je od osnivača prve Mreže lokalnih razvojnih agencija u BiH. Mreža je osnovana 05.07.2011. s ciljem međusobne suradnje između svih važnih aktera lokalnog ekonomskog razvoja, i da udruženim kapacitetima doprinese gospodarskom razvoju lokalnih sredina i regije u cjelini.

Također, članica je Mreže LEDnet u BiH i GARD mreže za ruralni razvoj u BiH.

Općina Žepče je potpisala 17.09.2012. godine Sporazum o međuočinskoj suradnji Teslić, Tešanj i Žepče. Cilj suradnje je jačanje konkurentnosti i promocija lokacijskih prednosti mikroregije TTŽ. Cijelim procesom koordinira Razvojna agencija Žepče.

PROGRAM „MLADI U AKCIJI“ – “YOUTH IN ACTION”



Uvod

„Mladi u akciji“ je program Evropske unije koji je kreiran posebno za mlade ljudе. On prije svega ima za cilj potaknuti osjećaj aktivnog europskog građanstva, solidarnosti i tolerancije među mladim Europoljanima i uključiti ih u oblikovanje budućnosti Unije. Ovime se promiče mobilnost unutar i izvan granica EU-a, neformalno učenje i interkulturalni dijalog, te potiče uključenost svih mlađih ljudi, bez obzira na njihovu obrazovnu, socijalnu i kulturnu pozadinu – „Mladi u akciji“ je program za sve.

Svake godine, promotori pošalju na hiljade projekata kako bi dobili finansijsku potporu iz Programa; proces selekcije ima za cilj davanje sredstava najboljim projektima.

Ciljevi

„Mladi u akciji“ je program EU posvećen mobilnosti i neformalnom obrazovanju. Program je usmjeren na mlade ljudе u dobi između 13 i 30 godina. Njegovi opći ciljevi su sljedeći:

- Promicati kod mlađih aktivno građanstvo u cjelini i njihovo europsko građanstvo posebno;
- Razvijati solidarnosti i promicati toleranciju među mlađima, osobito u svrhu poticanja socijalne kohezije u Europskoj uniji;
- Gajiti uzajamno razumijevanje među mlađima iz različitih zemalja;
- Pridonijeti razvoju kvalitete sustava podrške za aktivnosti mlađih i mogućnostima organizacija civilnog društva u području mlađih;
- Promicati europsku suradnju u području mlađih.



Ovisno o programu akcije, proces odabira projekata je postavljen na različite načine. Za većinu akcija, Programska vodič djeluje kao stalni poziv za podnošenje prijedloga, a za neke akcije, se objavljaju specifični pozivi za dostavu prijedloga.

Akcije

Da bi ostvario svoje ciljeve, program Mladi na djelu predviđa pet operativnih akcija.

- Akcija 1 - Mladi za Europu
- Akcija 2 – Europski volonterski servis
- Akcija 3 - Mladi u svijetu
- Akcija 4 - Sustavi podrške mlađima
- Akcija 5 - Potpora europskoj suradnji u području mlađih

POJMOVNIK EVROPSKIH INTEGRACIJA

EVROPA ZA GRAĐANE

(EUROPE FOR CITIZENS/L'EUROPE POUR LES CITOYENS)

Evropa za građane je program Zajednice čiji je cilj promocija koncepta „aktivnog evropskog građanstva“ i pružanje podrške uključivanju građana u procese evropskih integracija. Program podržava jačanje evropskog identiteta zasnovanog na zajedničkim vrijednostima; razvijanje osjećaja pripadnosti EU; unapređivanje zajedničkog razumijevanja i tolerancije između evropskih građana uz razvoj međukulturalnog dijaloga. Program je posebno usmjeren na razmjenu iskustava o pitanjima od interesa te upoznavanje s načinom života građana EU (projekti direktnog uključivanja građana i bratimljenje gradova), podršku evropskim istraživačkim organizacijama koje se bave javnim politikama (think tanks), podršku organizacijama civilnog društva, aktivnostima podrške očuvanju spomenika i odavanja počasti žrtvama nacizma i staljinizma, itd. Program se odnosi na period 2007. - 2013. godina, s budžetom od 215 mil. eura. Bosni i Hercegovini je, na osnovu Okvirnog sporazuma o općim principima učešća BiH u programima Zajednice (2004./2007.), otvorena mogućnost pristupa ovom programu.



ZONA SLOBODNE TRGOVINE

(FREE TRADE AREA-FTA/ZONE DE LIBRE-ÉCHANGE-ZLE)

Zonu slobodne trgovine čine dva ili više carinskih područja unutar kojih su ukinute sve carine i druga trgovinska ograničenja na gotovo svu robu porijekлом iz tih područja. Za razliku od carinske unije, zemlje pristupnice zoni slobodne trgovine zadržavaju vlastitu carinsku tarifu prema trećim zemljama. Bosna i Hercegovina se Sporazumom o stabilizaciji i pridruživanju (16. 6. 2008.) obvezala na uspostavljanje zone slobodne trgovine s Evropskom unijom u periodu od pet godina.

OBRAZOVANJE

(EDUCATION/ÉDUCATION)

Svaka država članica Evropske unije ima punu odgovornost za organizaciju svog sistema obrazovanja. Uloga Evropske unije u ovoj oblasti definirana je Ugovorom o Evropskoj zajednici. Ona podrazumijeva da Evropska unija doprinosi razvoju kvalitetnog obrazovanja kroz podsticanje saradnje između država članica te, ako je potrebno, podržava i nadopunjava njihove aktivnosti država članica. Cilj Evropske unije je da razvija evropsku

dimenziju i razmjenu informacija o zajedničkim temama u sistemima obrazovanja država članica. Također, njen cilj je da u oblasti obrazovanja podstakne mobilnost i saradnju na evropskom i međunarodnom nivou. U te svrhe Evropska unija ima na raspolaganju niz instrumenata. Između ostalog, to su sljedeći programi Zajednice: Program cijeloživotnog učenja i njegovi potprogrami Comenius, Erasmus, Leonardo da Vinci, Grundtvig, Jean Monnet, programi Erasmus Mundus, Tempus, Alfa, Asia link, mreže za priznavanje kvalifikacija, pružanje informacija i razmjene iskustava (Naric, Eurydice, Arion), Evropski volonterski servis (EVS) te tijela kao što su Evropski centar za razvoj stručnog usavršavanja (CEDEFOP) i Evropski fond za stručno usavršavanje (ETF) itd.



KRATAK PREGLED TRENUTNIH ODNOSA SUSJEDNIH ZEMALJA I EU*

MAKEDONIJA

Makedonija treba da nastavi reforme, prije svega kada je riječ o vladavini prava i slobodi izražavanja. U Izvještaju Evropske komisije ukazuje se na zabrinutost zbog tenzija između različitih etničkih zajednica. Pozdravljeni je zrela i odgovorna reakcija Vlade i dat je podstrek dalnjem jačanju međunacionalnih odnosa i pomirenja. Evropska komisija ističe da je od suštinske važnosti da se bez odgađanja pronađe međusobno prihvatljivo rješenje u sporu Bivše Jugoslovenske Republike Makedonije i Grčke o imenu u UN-a, imajući u vidu potrebu očuvanja dobrih međususjedskih odnosa.

KOSOVO*

Evropska komisija podsjeća da je usvojen dokument o Studiji izvodljivosti za Sporazum o stabilizaciji i pridruživanju. Komisija će predložiti smjernice za pregovore u trenutku kada Kosovo ostvari napredak u ispunjavanju mnoštva kratkoročnih prioriteta. Potreban je vidljiv i suštinski napredak u odnosima Kosova i Srbije uz prestanak uzajamne blokade na putu ka Evropskoj uniji kako bi svaka od zemalja nastavila ispunjavati svoje obaveze. *Ovaj naziv ne dovodi u pitanje status Kosova i u skladu je s Rezolucijom 1244 i odlukom ICC-a o kosovskoj deklaraciji o nezavisnosti

HRVATSKA

Evropska komisija zaključila je da je Hrvatska napredovala te završila usklađivanje sa zakonodavstvom i standardima EU, kao i to da i dalje ispunjava obaveze iz pristupnih pregovora, ali da u nekim segmentima treba uložiti dodatne napore. Vladavina prava, poboljšanje javne uprave i pravosudnog sistema te efikasna borba protiv organiziranog kriminala i korupcije i dalje su ključne teme. Komisija će nastaviti pratiti napredak Hrvatske te će svoj posljednji izvještaj o Hrvatskoj predstaviti u proljeće 2013.

CRNA GORA

Evropska komisija je 29. juna ove godine otvorila pregovore s Crnom Gorom, pri čemu je primijenila novi pristup otvaranjem najprije poglavlja o pravosuđu, osnovnim ljudskim pravima i sigurnosti. U Izvještaju o napretku ističe se da otvaranje pregovora s Crnom Gorom iskazuje njen kontinuirani napredak u reformama u ključnim oblastima, ali da je potrebno uložiti dodatne napore u borbi protiv korupcije i organiziranog kriminala, uz neophodno jačanje efikasnosti i nezavisnosti pravosuđa.

SRBIJA

U Izvještaju o napretku izražena je nada da će aktuelne vlasti ubrzati procese reformi, a napredak Srbije će se i dalje gledati kroz prizmu dijaloga Beograda i Prištine. Postignuti su rezultati u dijalogu s Prištinom, ali je primjena sporazuma neujednačena. Uprkos usporavanju zakonodavne aktivnosti zbog izbora, ostvaren je izvjestan napredak u provođenju reformi u većini oblasti. Srbija je nastavila punu saradnju s Tribunalom u Hague

ALBANIJA

Evropska komisija zaključila je da je Albanija suštinskim reformama postigla dobar napredak u ispunjavanju političkih kriterija za članstvo. Predložila je da Albaniji bude dodijeljen status kandidata za ulazak u Evropsku uniju pod uslovom da reformira pravosuđe i državnu administraciju, te da revidira pravila parlamentarne procedure. S ciljem otvaranja pregovora o pristupanju, Albanija mora ispuniti preuzete obaveze, a u fokusu bi trebalo da budu vladavina zakona i osnovna prava.

* PREUZETO IZ BILTENA DIREKCIJE ZA EUROPSKE INTEGRACIJE BIH "EUROPULS"



The European and Our Affairs



ALDA
Association of Local Democracy Agencies
Association des Agences de la Démocratie Locale

ALDA
c/o Council of Europe, F-67075 Strasbourg, France
Phone: +33 3 90 21 45 93 Fax: +33 3 90 21 55 17
Email: alda@aldaintranet.org
Webpage: www.alda-europe.eu



LDA Zavidovići, Omladinska 10,
72220 Zavidovići, Bosnia and Herzegovina
Phone/Fax: +387 32 877 008
E-mail: LDAZavidovici@aldaintranet.org
Webpage: www.lda-zavidovici.org

KORISNI LINKOVI

Evropska Unija:
www.europa.eu

Delegacija EU u Bosni i Hercegovini i Specijalni predstavnik EU:
www.europa.ba

Evropski parlament:
www.europarl.europa.eu

Evropsko vijeće:
www.european-council.europa.eu

Evropska komisija:
www.ec.europa.eu

Vijeće evropske unije:
www.consilium.europa.eu

Tehnička pomoć za organizacije civilnog društva (TACSO):
www.tacso.org

Direkcija za evropske integracije BiH:
www.dei.gov.ba



Ovaj projekat finansira Evropska unija

Projekat implementira ALDA i LDA Zavidovići



"Ova publikacija je urađena uz pomoć Evropske unije. Sadržaj publikacije je isključiva odgovornost Asocijacija agencija lokalne demokratije – ALDA, i ni ukom slučaju ne predstavlja stanovišta Evropske unije".